



*Le liure d'Esfaye est baillé à Iesus pour lire au Temple, lequel il expose, dont les Iuifs sont émerueillez.*

**L**ESVS vint en Nazareth où il y auoit esté nourry, & au iour du Sabbath estant en l'assemblée se leua pour lire, & luy fut baillé le liure du Prophete Esfaye, où il trouua écrit, L'Esprit du Seigneur est sur moy, pour laquelle chose il m'a oingt, il m'a enuoyé pour Euangeliser aux pauvres, pour guarir les contrits & brisez de cœurs, pour prescher aux prisonniers deliurance, pour rendre la veuë aux aucugles, pour mettre en deliurance ceux qui sont foulez, & prescher l'an agreable du Seigneur. Puis ayant fermé le liure, il leur dit; Cette Escriture est aujourd'huy accomplie en vos oreilles; & s'émerueilloient de ses paroles pleines de grace, disans; Cettuy-cy n'est-il pas fils de Ioseph? Lors Iesus leur ayant remontré, que nul Prophete n'est bien venu en son pays; & qu'au temps d'Helie il y auoit plusieurs veufues quand le Ciel fut fermé trois ans & demy, & qu'il aduint grande famine: Toutesfois Helie ne fut enuoyé qu'à vne de Sydon; comme aussi du temps d'Helisée plusieurs estoient ladres, & nul ne fut nettoyé que Naaman Syrien. Lors les Iuifs émeus d'ire, le menerent sur vne montagne pour le precipiter; mais Iesus passant au milieu d'eux ne le voyoient point, car son heure n'estoit point encore venue.